



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

- Komisija za vanjsku i trgovinsku politiku –

Broj: 02/2-50-1-9-14-11/04

Sarajevo, 29. 01. 2004. godine

Z A P I S N I K
sa 14. sjednice Komisije za vanjsku i trgovinsku politiku
Doma naroda Parlamentarne skupštine BiH
održane 22. 01. 2004. godine

Četrnaestu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvao je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Anto Spajić, Osman Brka, Velimir Jukić i Nade Radović, kao i Nevenka Savić, sekretar Komisije. Vinko Radovanović bio je opravdano odsutan.

Osim navedenih, sjednici su prisustvovali Zahida Hurtić-Strika i Mirko Šekara iz Ministarstva komunikacija i prometa u svojstvu predstavnika prelagča.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći

DNEVNI RED

1. Usvajanje zapisnika sa 13. sjednice Komisije;
2. Prijedlog Plana rada Komisije vanjsku i trgovinsku politiku za 2004. godinu;
3. Saglasnost za ratifikaciju Sporazuma između Bosne i Hercegovine i Rumunije o trgovini i ekonomskoj saradnji – predlagач Predsjedništvo BiH;

4. Saglasnost za ratifikaciju Ugovora o međunarodnom povremenom prijevozu putnika običnim i putničkim autobusima – Ugovor Interbus – predlagač Predsjedništvo BiH;
5. Saglasnost za ratifikaciju Tampere konvencije o pružanju telekomunikacijskih resursa za ublažavanje katastrofa i operacija spašavanja i pomoći – predlagač Predsjedništvo BiH;
6. Tekuća pitanja.

Dnevni red je jednoglasno usvojen.

Ad. 1. Usvajanje zapisnika sa 13. sjednice Komisije

Zapisnik sa 13. sjednice Komisije je jednoglasno usvojen.

Ad. 2. Prijedlog Plana rada Komisije vanjsku i trgovinsku politiku za 2004. godinu

U uvodnom izlaganju predsjedavajući Komisije, kao autor Prijedloga podnio je obrazloženje Plana rada sa metodološkog i sadržinskog aspekta. Nakon toga, o Prijedlogu su diskutirali svi članovi Komisije. Opća je ocjena da je Plan rada za 2004. godinu ambiciozan, ima više tematskih sjednica o važnim pitanjima koja se odnose na međunarodne aktivnosti i ekonomski razvoj, a ostaje otvoren za nove teme na koje bude trebalo pravovremeno reagirati.

Na kraju, članovi Komisije su jednoglasno usvojili sljedeće zaključke:

- Prijedlog Plana rada za 2004. godinu se usvaja;
- Komisija traži od Doma naroda da, u skladu sa svojim ovlaštenjima, pomogne u realizaciji Plana rada, ali i da izvrši obaveze koje su u nadležnosti Kolegija Doma naroda, a ostale su neizvršene u prošloj godini;
- Plan rada predstavlja osnovu i okvir za rad Komisije u ovoj godini i ostaje otvoren za nove teme i prioritete.

Ad. 3. Saglasnost za ratifikaciju Sporazuma između Bosne i Hercegovine i Rumunije o trgovini i ekonomskoj saradnji – predlagač Predsjedništvo BiH

Predsjedavajući Komisije je konstatirao da predstavnik predlagača nije prisutan. Članovi Komisije donijeli su odluku da, ipak, vode raspravu o Sporazumu. U diskusiji je istaknuto da je potrebno problematizirati potpisivanje međunarodnih ugovora i sporazuma sa stanovišta efekata koje oni prouzrokuju u domaćoj privredi. U skladu s tim, članovi Komisije jednoglasno su donijeli sljedeće zaključke povodom ove tačke Dnevnog reda:

- Komisija predlaže Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma;
- Da se u narednom periodu zatraže informacije od Ministarstva vanjske trgovine i ekonomskih odnosa i Ministarstva vanjskih poslova o bilateralnim i multilateralnim pregovorima koji su u toku ili u pripremi sa principima i stavovima naše strane za pregovore;
- Da se od Ministarstva vanjske trgovine i ekonomskih odnosa zatraži informacija o efektima primjene bilateralnih sporazuma o slobodnoj trgovini sa zemljama jugoistočne Evrope.

Ad. 4. Saglasnost za ratifikaciju Ugovora o međunarodnom povremenom prijevozu putnika običnim i putničkim autobusima – Ugovor Interbus – predlagač Predsjedništvo BiH

Predstavnik predlagača, g. Šekara, pojasnio je pogodnosti ovog Ugovora koje se odnose, prije svega, na pojednostavljivanje procedure za dobivanje potrebnih dozvola za prevoz, sigurniju vožnju, zadovoljavanje standarda za zaštitu okoline i drugo. U diskusiji, nakon toga, članovi Komisije su se interesirali za položaj naših prevoznika nakon stupanja na snagu Ugovora, odnosno njihovu konkurentnost u odnosu na prevoznike iz drugih zemalja potpisnica.

Komisija je jednoglasno odlučila da predloži Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

Ad. 5. Saglasnost za ratifikaciju Tampere konvencije o pružanju telekomunikacijskih resursa za ublažavanje katastrofa i operacija spašavanja i pomoći – predlagač Predsjedništvo BiH

G-đa Hurtić-Strika, predstavnik predlagača pojasnila je članovima Komisije odredbe Konvencije, nakon čega je Komisija jednoglasno usvojila Konvenciju i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

U diskusiji povodom ove tačke Dnevnog reda, istaknut je problem prevođenja i lektorisanja materijala koji dolaze u parlamentarnu proceduru, te je zaključeno da se uputi dopis Kolegiju Doma naroda da u dogovoru sa Kolegijem Predstavničkog doma skrene pažnju ovlaštenim predlagačima na ovu problematiku i pokuša naći načina da se ovakvo stanje promijeni.

Ad. 6. Tekuća pitanja

- (a) G. Jukić je pokrenuo inicijativu da se članovi Komisije bolje upoznaju sa poviješću Regulatorne agencije za komunikacije kao i njenim pravnim statusom.
- (b) Dogovor oko stavova Komisije pred Plenarnu sjednicu oba doma Parlamentarne skupštine BiH na kojoj će se raspravljati o Programu aktivnosti za realizaciju prioriteta u 2004. godini iz Izvještaja Evropske komisije Vijeću ministara Evropske komisije o izvodljivosti pregovaranja između BiH i Evropske komisije o Sporazumu o stabilizaciji i pridruživanju.
- (c) Komisija je jednoglasno zaključila da se upute dopisi Ministarstvu vanjskih poslova i Ministarstvu sigurnosti povodom priloga pod nazivom “Mudžahedini u Bosni” koje su objavili domaći mediji, a reemitiran je sa italijanskog televizijskog kanala “RAI tre”. Povodom priloga, izjavu je dao italijanski ministar vanjskih poslova. U dopisima je potrebno zatražiti informacije o aktivnostima koje su preduzete ili se namjeravaju preduzeti u slučaju dobivanja pouzdanih informacija o terorističkim aktivnostima na teritoriji BiH ili pripremama za takve aktivnosti, te razjašnjavanju stava Italije o ovom pitanju.

Predsjedavajući Komisije

Hasan Čengić